homme plein de faste, comme les hommes [161] d'esprit se comportent, ô que l'orgueil a d'instruire, il arreste la colere, il semble donner de la patience; & au bout du conte, il ne fait rien qui vaille, iettant les hommes dans des tenebres plus sombres que la nuict; & leur faisant proferer des impertinences qui n'appartiennent qu'à des fols, & à des éceruelez. Changeons de discours

Les Hiroquois ayant emmené vne pauure vieille femme aagée de plus de foixante & dix ans, luy arracherent les ongles des pieds & des mains, luy appliquerent des flambeaux de feu en plusieurs endroits de fon corps, ils la menoient auec d'autres prifonniers en leur païs; comme ils vindrent à passer vn fault ou vne cheute d'eau où tout le monde met pied à terre; ceste pauure femme sans faire semblant de rien, ramaffa vne coquille qu'elle rencontra fur la greue, la ferre fans mot dire; & la nuict tout le monde estant couché, elle couppe doucement ses liens auec ceste coquille, & s'enfuit à la dérobbe dans le bois; elle fit si bien, que ses ennemis ne la púrent retrouuer, elle arriua aux trois Riuieres le sixiéme iour apres auoir quitté les Hiroquois ayant en partie cheminé [162] tout ce temps-là, en partie nauigé toute feule dans vn méchant canot d'Hiroquois qu'elle trouua, & cela fans manger: En verité c'est vne chose bien étonnante qu'vne femme agée prés de quatrevingt ans, trauerfe quasi toute nuë tant de brossailles, ayant les pieds pleins de douleur, & les orteils fans ongles, estant toute brûlée par les costez, affaillie de mille efquadrons de moufquilles, dont ces païs font infestez, & passer cinq ou six iours dans ces trauaux fans prendre aucune nourriture.

Quelque temps apres fon arriuée, nous affemblâmes